

شيعتي و ياللي تودوني شيعتي و ياللي تذكروني
بالألم تبجيكم عيوني بالألم لو انتو تبجونني

في عذابي وكل جرح و الدما الـ منه تسح
تلوح دمعات الولاية و صرخة الشيعة
وتبقى ناري للأبد و العزيمة والجد
فيكم الارواح منكم تبقى مفجوعة

ياوسف بس انشد الليلة والدمع فايض ألم سيله
شاجري وشلي بدر منا هالجمع يهجر ماتمنا

وين غابت واختفت وين الدموع الـ جرت
واحنا همنا ما يزول ولا برد جمره
سنين بلوانا انتهت لو مصيبتنا انقضت
لا ولا عافتنا يوم الـ ونة و الـ زفرة

بقينا وبقت فينا كل الهضائم بقينا ابحزن ما يفارقنا دايم
ورجينا تذكرونه وسط الماتم

وش اللي يغيبنا واحنا الوسيلة نصلي لجاكم فـ كل يوم وليلة
و محبنا بقينا وصراطه ودليله

عجيبة تتكرونها نور الجلالة ومصيبة تبدلونه بهل الضلالة
شيداوي الجرح نرفه و اعتلاله

يشيعة اخذك زمان المكاييد فجيعة توالونه دهر المفاسد
من اللي يحارب لجننا ويجاهد

رجس هذا وضلال ومعصية وظلمة ويريدونك يشييعي تلتهي ابهمه
وكفر هذا فلا غيرة ولا نمة تظل لاهي وامامك منسفق دمه

لا يحرفك عن دينك الجاهل والاطماع من يترك اهل البيت بامواج الكفر ضاع
جم من ضمير ودين للظلام ينباع ما لك يشييعي غير حبنا ابدهرك شرع

ماتمكم تشيدوها على حبنا وولايانا ونظلمكم وتظلمون ابمصايب هالزمن يمنا
ولا منكم احد ينسانا يهجرنا ونظلمكم و الـ ممكم بس يظلم همنا

لا تبتعد عن دينك ولا تترك الال في عمرك اهـما اللي يعينونك بالاهوال
وابهم نجاتك في الحشر متخيب الامال محفوظة كل قطرة دمع محزون همال

دنيّتي موحشة وظلمة و القلب يتقلب بهمه
هالزمن وسط القلب سهمه والجرح ينزف ألم دمه

دارت سنين العذاب جـم رزية وجم مصاب
و أنا حيدر سيد السادة وبطل خبير
يشهد ابفضلي الكتاب و للمدينة أنه باب
شلون يقدر يجتري اعليه الزمن واكثر

وابتعد نور النبي الهادي والعادل يشكي العطش صادي
بالألم يتقطر افادي تـيتمت بوجودي اولادي

اتمدد اعلى المغتسل و الـدمع مني همل
بيدي غسلته وطرحته ابلحده يا حسرة
شديبو ابراهيم ايظل و نورك اتواري ورحل
ما تظل غير المصيبة وسافح العبرة

هجرنا ضواك ابمعاني الكرامة و زمنا يحوط القلوب ابظلامه
فجعنا غيابك تركنا يتامى

يهادي اقلبك يغالي اباديه الأعداي تحوط المكاييد عليه
وانادي ولا من يجيب الرزية

الخلافة غصبها وبنتك ظلمها ابمخافة تتروح البتولة ابهضمها
حسافة تـمـنـيـنـك ابهمها يمها

مصاييب دهتنا عقب فقذك احوال عجايب يهل الدمع والصبر زال
نعائب وتظل بالعتب خيبة آمال

يبو الزهرة عصف بينا الزمن جوره بلا رحمة رمانا ابظلمه وشوروره
عقب فقذك فلا شع البدر نوره تظل تنعى الفقد كل آية كل سورة

اظلم عمرنا وصرنا في حيرنا ونعاني روع دلـيـلي ويضرم الجمر ابكياني
عقبك اخذ مني البتولة وما رعاني

الصبر وينه وهاي اذياب تتعدى الصبر وينه وتـمـر شدة ابأثر شدة
فلا عشنا ولافـاح القلب ورده و شيصبره الـوقـف كل الزمن ضده

يالهادي وانشد بنتك الزهرة الزجية عن المصاب الصار يا سيد البرية
وامسح مدامعها المثل دمي جرية هـاي الـولـتها جروح وآلام ومنية